



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Sancti Benedicti Floriacensis.

urn:nbn:de:hbz:466:1-20020

328 Epistolarum Innocentij III.

E I S D E M .

*Epist. 49.
Vt burgen-
sus non de-
primant onere
servitutis.*

Nemini debet titulus servilis conditionis apponi qui privilegio deber libertatis gaudere. Inde est quod ad exemplar felicis recordationis Alexandri Papæ III. prædecessoris nostri auctoritate duximus apostolica prohibendum ne burgenes suos, qui infra tempus statutum legibus super statu sua conditionis nulla sunt quæstione pulsati, deprimere quisquam presumat onere servitutis. Datum Viterbij III. Kal. Iunij &c.

ABBATI SANCTI Benedicti Floriacensis.

*Epist. 50.
De limitatione
parochiæ de
Villari.*

Ea quæ ratione prævia statuuntur, firma debent & illibata persistere, & ne in recidiva contentionis scrupulum relabuntur apostolico convenit præsidio communiri. Eapropter, dilecti in Domino filij, vestris justis postulationibus inclinati, limitationem parochialis Ecclesiæ vestrae de Villari, sicut à bonæ memorie Henrico Senonensi Archiepiscopo rationabiliter facta est, auctoritate apostolica confirmamus & præsentis scripti patrocinio communimus. Nulli ergo &c. hanc paginam nostræ confirmationis infringere vel ei &c. usque incursum. Datum ut in aliis.

ABBATI ET CONVENTVI beati Germani Autissiodorensis.

*Epist. 51.
Vt liceat illis
revocare bona
alienata.*

Quoniam per administrationem im- providam & dissolutam incuriam prælatorum pro alienationibus illicitis factis ab ipsis quamplures Ecclesiæ in temporalibus non modicum sustinent detrimentum, nobis, quibus est Ecclesiarum omnium sollicitudo commissa, ex officio debiti pastoralis incumbit, post causam taliter vulneratam, remedium competens invenire quod obducere possit & debeat hujusmodi vulnerum cicatrices. Cùm igitur à nobis duxeritis postulandum ut revocandi ea qua de bonis Ecclesiæ vestre per Abbates ejusdem illicitè alienata fuerant vel concessa in ejus præjudicium & gravamen, vobis auctoritatem tribuere dignaremur, nos vestris precibus inclinati vobis duximus concedendum ut ea qua ab ipsis Abbatis inveneritis alienata illicitè vel concessa, vobis liceat ad jus ipsius appellatione remota legitimate revocare. Nulli ergo &c. hanc paginam nostræ concessionis infringere &c. usque incursum. Datum Viterbij III. Kal. Iunij,

pontificatus nostri anno duodecimo.

ABBATI ET CONVENTVI sancti Benedicti Floriacensis.

Iustis petentium desideriis dignum est nos facilem præbere consensum, & vota quæ à rationis tramite non discordant effectu prosequente complere. Cùm igitur monasterium vestrum, sicut in authenticæ bonæ memorie Alexandri Papæ prædecessoris nostri perspeximus contineri, ad jus & proprietatem beati Petri nullo mediante pertineat, nos vestris precibus inclinati, auctoritate præsentium inhibemus ne quis Archiepiscopus vel Episcopus in Ecclesiæ monasterio ipsi subjectas absque manifesta & rationabili causa excommunicationis vel interdicti sententias audiat promulgare, vel ab eodem monasterio procurationem exigere, vel corredicinem in ipsum exercere præsumat nisi de mandato sedis apostolice speciali. Nulli ergo omnino hominum licet hanc paginam nostræ inhibitionis infringere vel ei &c. usque incursum. Datum Viterbij vi. Idus Iunij, anno duodecimo.

*Epist. 52.
Ne Ecclesiæ
lorem peccati
interdictum vel
excommunicationis
catæ.*

EPISCOPO, ET STEPHANO
Canonico, & Iohanni Archipresbytero
sancti Iohannis Sutrinensis.

CVM dilectis filiis Ottoviano &... Ar- chipresbyteris & Clericis Ecclesiæ rum sancti Laurentij de Capranica ex parte una & sanctæ Christinæ Sutrinensis dio- cesis ex altera litigantibus super bonis Vi- quondam Archipresbyteri ejusdem Ec- clesiæ sanctæ Christinæ dilectum filium Alatrinum Subdiaconum & Capellani nostrum concederimus auditorem, ex parte Clericorum sancti Laurentij fuit propositum coram eo eundem V. annum quartumdecimum tunc agentem se siue obtulisse ipsi Ecclesiæ materno interveniente consensu, ac de bonis illius Ecclesiæ per quatuordecim annos & amplius enutritum, & in ea omnes ordines asecu- tum, necnon peritiam scribendi adeptum, litteras, cantum, & alia officia ecclesiasti- ca didicisse, quorum omnium exercitio hujusmodi acquisierat facultates, & eo in- tuitu afferebant ad se bona omnia perti- nere ipsius, qui decesserat intestatus. Dic- ti autem Clerici sanctæ Christinæ propo- nere curaverunt è contrâ quod cùm dictus V. ab Ecclesiæ sua Clericis in eorum concanonicum electus fuerit, & per bonæ memorie diocesani Episcopum translatus ad ipsam nullo penitus reclamante,

necnon